

寶名曰如意凡諸所欲自然現前我此千轉
大明亦復如是若有得者凡諸苦惱悉皆解
脫世尊末世之時衆生薄福於三寶尊不知
歸依恣身口心常造過惡是故世間諸惡鬼
神伺得其便隱自形質假託變現於晝夜中
惱害衆生使諸衆生得種種苦惱世尊若有
衆生遇斯惡鬼種種惱亂苦惱之時乃至世
間一切不可意時當於清淨之地取土七把
每一一把誦此大明加持七徧和作七丸繫
於衣角當令一切行不饒益惡鬼神等不敢

侵近恐怖退散當今是人晝夜安隱一切不
祥悉皆殄滅爾時帝釋天主說此千轉大明
陀羅尼已踊躍歡喜與諸天衆禮佛而退

千轉大明陀羅尼經

佛說華積樓閣陀羅尼經

宋西天經三藏朝散大夫試鴻臚少卿傳教大師施護奉 譯

如是我聞一時世尊在阿耨達池無熱惱龍
王宮與大比丘衆四百五十人俱復有師子
遊戲菩薩等大菩薩衆具足千人一切皆得

陀羅尼十地圓滿得灌頂已位居補處被大
甲冑趣諸佛德心不退轉名稱普聞如是等
菩薩摩訶薩悉從他方而來集會爾時師子
遊戲菩薩摩訶薩從座而起偏袒右肩詣世
尊前右膝著地合掌恭肅而白佛言世尊如
命一
佛福蘊當云何得又於如來作供養者云何
十七
因果無量無邊唯願如來慈悲開示作是說
已凝心而住爾時佛告師子遊戲菩薩摩訶
薩言善哉善哉善男子汝今問我如來福蘊
云何而得又於如來作供養者云何因果無

量無邊汝當諦聽今爲汝說佛言善男子如
來有五法具足功德無量無邊云何五法所
謂戒定慧解脫解脫知見善男子如來具足
如是五法無量功德是故獲得福蘊無量無
邊善男子若於如來作供養者當得涅槃若
彼三乘隨其發心各各所見而得涅槃善男
子若見如來應正等覺以清淨心諦信歸命
尊重稱讚又以衣服卧具病緣醫藥一切所
須而供養者所獲果報無量無邊善男子若
復如來般涅槃後有得如來舍利如芥子等

而供養者所獲果報於一切中最又復作種種福若於如來舍利作供養者其福最上師子遊戲若復有人持於寶聚如妙高山等布施供養聲聞及辟支佛所獲果報不如在家及出家菩薩發無上正等覺心以一金錢布施供養如來應正覺以前方便善根於後方便善根百分不及一千分不及一百千分不及一乃至算分數分譬喻分譬喻轉分乃至算數譬喻所不能及善男子又復如來住世百年千年乃至百千年應化畢已般涅槃後

以佛舍利而起妙塔若復有人於此塔所以香泥塗地作曼拏羅施設花鬘塗香燒香然燈志心供養乃至持一花一燈以為供養或持帚拂除去塵坌或以一掬水用為灑淨如是之人以至心故獲福無量是人先世所有罪業當墮阿鼻地獄十一以於塔所作供養故先世罪報皆悉除滅善男子若復有人發一念心歸命於佛又不中退復不輕慢是人當來於百劫千劫乃至百千劫中常感勝福生於人天不復墮落一切惡趣善男子我今說此

華積樓閣陀羅尼經為欲利益安樂天上人
間一切衆生故善男子若復有人得此華積
樓閣陀羅尼經至心受持讀誦供養又復演
說真實義趣廣為人說是人永不墮一切惡
趣亦不生卑下種族常生人天殊勝之處諸
根圓滿獲宿命通具足種種甚深辯才恒得
值遇佛法僧寶又得如來憶念覆護得菩提
心永不退轉爾時世尊即說陀羅尼曰
怛你也二合他一引馱羅尼馱羅尼二母你引鉢
囉二合婆引娑縛二合哩三引悉地引贊捺哩二合
引四

曩引他唧你哩賀二合哩五引阿引嚕引誡也
二合嚩底六沒馱嚩底七尾哩引烏迦致囉祖
波誡帝八引帝引祖嚩底九尾捨引羅沒地達
哩麼二合嚩婆引細切阿乞又二合野羯臘閉
十一合引羯臘波二合嚩底二十阿蜜哩二合嚩羯臘
十二合引護哆引舍你四引十帝引祖嚩底你
怛也二合三摩引四帝五引十帝引祖嚩底乞
又二合捺哩二合野沒地娑嚩二合賀六引十
善男子此陀羅尼乃是十方無量無邊諸佛
如來同共宣說若復有人聞此陀羅尼經名

字發至誠心恭信供養是人當來獲得無量
無邊功德又復若人持此陀羅尼成先行已
於二月三月或八月取白月八日起首發至
誠心於一晝夜中六時念此陀羅尼及憶念
諸佛如來心不散亂復以塗香妙花燒香然
燈種種供養心不間斷至十五日決定得見
世尊坐蓮花藏座說陀羅尼法持呪之人應
時獲得意願圓滿心垢悉除證宿命通得諸
禪定住四聖諦解諸法義論及工巧事業乃
至臨命終時耳根不壞悉能了別一切勝事

乃至或聞如來爲說四聖諦等無漏爾時世
尊說是陀羅尼經已師子遊戲菩薩摩訶薩
及諸大菩薩大比丘衆天人阿脩羅乾闥婆
等聞佛所說皆大歡喜禮佛而退

佛說華積樓閣陀羅尼經

佛說勝旃瓔珞陀羅尼經

宋西天譯三藏朝散大夫試鴻臚少卿傳教大師施護奉詔譯

如是我聞一時佛在喜樂山頂天宮不遠仙
人住處與大比丘衆千二百五十人俱復有
菩薩摩訶薩文殊師利童子及賢護菩薩等